

同安縣志卷之三十

武功錄

治世以文勸亂以武二者不可偏廢也同地濱海其人民熟於港汊沙淺好勇尚義自古已然勝朝以來臺澎又歸版籍邑遂為全省軍事要區統計提督軍務至二十餘人功烈之偉為全省冠道光朝諭旨至云同安為武功最盛之區良非偶也雖然德相俾斯麥有言自古未有戕殺同種而以為功者則美哉猶有憾也究之有春生而無秋殺雖天地亦窮於所用則後之尚武者尤當知所先務矣志武功

漢 許澹

宋 蘇光誨

元 林天祥

明 郭濬

清 陳汶環

清 陳昂

同安縣志

卷之三十

人物錄 武功

魏 平

林永山

吳 陞

胡 貴

柯連英

黃有才

李光顯

王得祿

林奎章

蒲立勳

文成才

林建猷

吳永宗

王天貴

許 忠

魏國泰

葉應龍

吳必達

謝恩詔

陳逢時

楊康靈

陳登捷

李廷鈺

蔡潤澤

顏青雲

吳榮輝

林宗泰

方劉進

陳倫炯

林君陞

葉時茂

孫全謀

林六韜

劉求生

李尙華

李增皆

陳大琮

吳鴻源

陳邦俊

蔣 熿

方長生

陳 芳

高華松

李耀先

陳元成

黃振玉

林廷福

曾允福

郭揚聲

蕭南樞

陳世榮

郭 新

劉執忠

陳 壩

方文柱

蔡攀龍

楊 華

邱良功

陳光求

趙世芳

吳建勳

許瑞聲

劉興邦

漢

許潑字元亮河南許州人西漢武帝朝爲左翊將軍駐師於郡之西南百里境上世傳其址爲營城便宜調度十年閩越平以反覆數爲邊患復蒙勅旨永鎮斯土銅符虎節兵衛森嚴以久戍爰卜居於五墟山下遂家焉鄉之諺曰未有同安先有許督卽其事蹟也許督當漢時閩地紛擾不定首開草昧厥功盛矣卒武帝後元元年諡武靖子十五人分鎮閩地

探許順族譜

按許潑事正史無所考舊志不載惟宋儒許存齋族譜累世相承載其墓在邑從順里五虎山之西墓表題曰故漢上柱國左翊將軍許公墓其子孫皆世守之至今罔異考文獻通考上柱國柱國楚之寵官歷代無聞至後魏始有柱國大將軍位在丞相上凡佐命聲實俱重者始居此職威權如此之重似正史不應缺略惟據後周官制則謂上柱國柱國以酬勳勞並爲散官實不理事隋史亦云功官至柱國咸是散秩無復統馭或者當時駐師營城因閩越事平已屬散秩故正史不載其事耳附此備考据族譜營城又名營城巷卽今本邑之小西門

宋

同安縣志

卷之三十一

人物錄 武功

二

蘇光誨父益乾符中隰州刺史自光州固始隨王潮入閩光誨與留從效誅叛將黃紹頗從效表爲漳州刺史陳洪進憚之計召至同安爲大第留不遣密使人之漳州奪其任遂爲同安人雍熙元年盜起游洋光誨夕殫盜魁十餘人送首級於州將喬維岳太宗召赴闕遷左衛將軍太平興國二年與洪進納土任職屯田沒贈上將軍武陵侯子仲昌天聖二年殿試被勳致三班官歷任荆南北路提點刑獄知宜紹復三州終左屯衛將軍以政績贈太師福國公子孫累世貴盛爲同喬木子紳天禧進士

探府志以上吳錫琮補

元

林天祥字時若嘉禾里人嘗司常平倉不屑升斗樂自韜晦與漁樵偶會鄰賊掠其里避地往漳及歸邑再有警則率里人築堡竭力捍禦老稚賴之爲人內寬夷而外和易無迫阨之度躁矯之容上則交爲其誠下則各得其欲年六十八卒里人哀悼如其所親

善志節林登州集

明

郭濬字文遜後郭人多謀略宏治四年賊聚亂石碓嶺總兵官馬公聞其名命從征

時賊勢猖獗莫能當其鋒濬奮不顧身率衆捕之有功諸大吏咸曰文遜雖無一命之寄然爲國之心則有不可磨者請於朝授冠帶榮之志舊

葉元齡秉乾孫嘉靖間漳贛寇發元齡應義捧郡檄督機兵於上杭衝風冒雪蒙犯烟瘴涉歷巖崖荆棘間與士卒同起居晝不安坐夜不貼席食不下咽幾一年既而大兵四集齊力奮討渠魁授首凶黨破滅積年逋寇一朝掃除上功論賞錫幣帛郡縣卽家致勞邑人林希元爲序贈之

許福號西浦嘉靖戊子舉人乙未進士歸家養親幾二十年值倭警團結鄉社邊方無虞未仕卒志舊

邵應魁字偉長號榕齋幼穎慧弱冠操舉子業適俞大猷來視金門所篆從之游遂徙業焉丙年嚮武闈丁未聯成進士同登武第自應魁始已授所鎮撫贊畫南贛軍門贛多峒賊奉檄往諭賊以兵恐之不動以妖冶挑之復不動竟俯首聽撫歸報合中丞疏其可大用乙卯倭犯浙詔徵天下材官總制張公以應魁隸俞大猷幕下大猷喜曰邵撫軍來倭不足平矣時倭勢猖獗應魁提兵據平望橋以待比至以偏師繞其後追斬溺死千餘人中丞張景賢奇之令統巨艦駐洋山島夷所

同安縣志

卷之三十一

人物錄 武功

三

出沒也謀以衢山之急報疾趨之倭以二艘誘戰薄暮追至蒲灣諸艘蜩起應魁率舟師乘風衝犁平明至馬蹟創甚猶裹血奮呼殊死戰賊乃潰去大猷親爲傅藥解衣仍令移師吳淞是時嘉定急則轉嘉定上海急則轉上海江陰急又轉江陰敵無不攻應魁無不應而川沙窪之擒斬尤多明年大猷晉都督鎮浙乞應魁與俱懸賞得選鋒三百人犒之令撓賊賊不動應魁曰是狃我也會大雪提三百人披蓑持火藥夜半潛抵賊柵懸蓑藥之風發火熾壁上下如赭大兵鼓譟進焉賊多焚死是役用奇以少擊衆號爲冠軍於是總制胡公檄令督兵黃窰港時倭大至天色已晚聯舟爲營應魁語諸將曰乘其未定一鼓可擒也令我兵各標雙燈直衝賊艘炮弩齊發呼聲振天賊焚溺死者無數餘寇遁走茶山北洋窮力追之再戰再捷未幾謀報倭將入七了港乃設伏賊後自以大兵迎敵戰酣伏起夾擊大破之追至乍浦衝突沈倭艘二御史上功陞南直隸游兵把總兵部叙功復陞永寧衛指揮使旋把總劉家河明年復把總圖山巡歷江海不避風濤有倭至擊之三片沙沈其二舟斬首甚多陞福建都司署都指揮僉事誥授昭勇將軍封贈父祖如其官將赴閩而監軍唐順之移書撫按請以閩銜領浙直事專守江南

而倭闖入江北總兵盧韓被劾詔獄波及應魁遂解職日與諸名公賡詩倡和既而劇賊曾一本橫行粵中總督吳桂芳請以應魁參將廣惠潮提哨船不滿三十值賊艘百餘乘夜截擊獨以中軍當其衝自寅及辰督戰愈力手射殺賊圍乃解復合諸軍大戰破之而閩巡按陳公爲粵人遽以未履閩任中應魁遂求去歸而杜門卻掃校讐左史寄情詩酒大輪外陽慈雲天馬諸山皆有標題孝友天性俸入恣伯兄出入不問金門有園材之趣兄心欲之卽移家豪山而推宅與兄巡憲及郡僚行部往返輒枉車騎得其詩乃去然未嘗有所干年七十六卒著有射法

詩稿傳世

舊志節清
白堂稿

莊渭陽萬歷癸未武進士授廣海守備陞瀾州遊擊以瓊州黎峒不靖題陞瓊崖參將有平黎功遷五軍七營左參將告養歸卒瓊州人祀之名宦

舊志

陳則賡郡諸生聰敏多智天啟庚申壬戌紅夷猖獗賡時爲軍門贊畫以計靖之臺

省交章叙功第一予官不受

舊志

郭芝英字耀豪積善寮東人明末以勦寇功授金門游擊狀貌英偉力舉千鈞敵望而畏之凡齎糧運輸調遣進發多出其指畫晉光祿大夫太子太師封忠奮伯

舊志

同安縣志

卷之三十

人物錄 武功

四

洪公掄字廷揚號鼎銘後豐港人累世同居少儻有大志壯年從其父北游津門咨訪邊事有借筋請纓之思已而偕伯氏渭文南游雷陽渭文入副總兵楊應春幕公掄累官守備萬歷四十二年屬有征黎之役制府檄五路衛分道進發諸將紛議剿撫公掄受應春命入刀港德霞諸洞委曲撫諭皆悅服隨之出見應春受賞而去傳告鄰部駭駭向化兩廣坐營參將萬紀欲乘其不備倖奇功黃夜進兵夷覺伏林箐以伺拏矢雨注師殲焉公掄憤氣激暴殞黎夷憐之歸其櫬子旭累官中提督封忠振伯次子暄爲水澎游擊

節留菴
文集

盧若驥賢聚人尙書若騰弟以舉義授總兵官若驥騰族弟崇禎間若騰官樞曹驥父文字謂天下扼塞要害兵馬芻糗之籍盡在樞曹命驥就若騰京師講求後歷任三山長溪裨將治軍恤民聲藉甚唐王立於閩授游擊將軍從扼守盤山關者年餘旋受恢撫閩浙之命血戰閩粵間屢著勞績

采留菴
文集

盧恩若騰同族從鄭國公鄭鴻逵糾義旅海上幹材敏練鄭國公深倚之官贊畫通

判晉昭毅將軍正總兵都督僉事

留菴
文集

清

陳汝環廈門人順治間閩地騷動征戰有功授廈提督水師軍門時官制猶未定也康熙十七年俄犯中原滿洲馬隊不能禦以水陸不相濟故二十二年經寧古塔都護薩普素奏調南方水師數處命汝環統率之是時黑龍江無戰船汝環帶艤幢巨艦並將寧古塔官船撥派一百艘又將寧古塔台丁永吉州人民以及十家戶流徙自耕自食者亦撥派海船而爲丁壯事平授汝環爲戡定疆界之營主事雖勤王而勳實開國齊齊哈爾城先無水師營康熙二十三年始特設水師總營在黑龍江瑗瑋城駐紮二十九年汝環跟將軍移駐墨爾根城三十九年又跟將軍移駐齊齊哈爾城雍正八年方設定水師額數各理差務卒於任所孫廣耀揀放水軍鑲黃旗領催補用達呼哩鑲紅旗嫩濟佐領下額內委官著有營務雜集光緒二十六年裔孫陳福官至都護總理旗務

探宜海伏波大
事記均甫探補

陳昂字英士世居高浦清初因鄭成功遷海濱居民昂徙灌口父兄相繼沒以母寡艱生計遂廢書賈海上屢瀕死來往東西洋盡識其風潮土俗地形險易康熙癸亥姚公啟聖奉命總督閩浙經略臺灣遣靖海侯施琅統諸軍進戰求習于海道者昂應徵入見制府以水戰宜乘上風昂獨謂北風剽剽非人力可挽船不得成

同安縣志

卷之三十

人物錄 武功

五

鯨不若南風解散可按隊而進施意合遂參機密將至澎湖北風大厲氣霧冥冥晝面不相覲三日軍中恟疑昂進曰此殺氣也將軍得毋以父兄之仇欲效楚伍員倒行而逆施乎施曰然昂諫正之施意解將誓天昂手案以進誓畢風反日暉遂克澎湖歸軍中之疾病痍傷者于臺灣吏卒大喜會鄭克塽歸命兵不血刃策助授蘇州城守游擊一調再遷而至碣石總兵官擢廣東副都統皆濱海地也嘗奏請西洋治象數者宜定員選毋多留者其留者勿使布其教于四方以免爲異端所惑誘自開海洋登萊江淮間海舶至菽粟布帛卽騰踊僉曰內地年登而穀貴職此之由久之語上聞命盡閉海洋昂回之曰南洋非此倫也吾少歷諸番皆習耕稼無資于中國或海濡毀飢商舶當以諸番之米至今概絕之則土貨滯積而濱海之民半失作業欲上言力爭之會疾作將終命其子以遺疏進衆皆疑焉然其言固不易之定論也遺疏聞商民稱便卒年六十八長子倫炯次子芳別有

傳采芳苞墓
銘廈門志

吳楠字世喬石潯人康熙十九年應募義勇精曉水務隨總兵吳英克復金廈兩島二十二年復從征平澎臺加左都督任春江副將陞南澳總兵未任卒

林莊雄積善歧陽人康熙十九年以把總隨父攻克金廈兩島旋給署副將劄二十二年攻澎湖取花嶼貓嶼草嶼八罩將軍澳南大澳東西桔虎井桶盤嶼西嶼頭牛心灣內外暫時鷄籠嶼四角山風櫃尾娘媽宮等三十六島議加功十九等授左都督兼拖沙布喇哈番以副將用

張正大噎人以平臺功績加左都督世襲雲騎尉歷任金門鎮中軍兼署總兵官印務

魏平翔風爐前人儀表奇偉康熙十九年以平臺功加左都督歷任南澳游擊及臺灣南路參將所到之處恩威並著軍民咸得凡租稅入官者一切蠲免故人稱曰魏佛六十年陞廣西潯州副將卒於官

王天貴翔風劉五店人素有膽力尤精水師康熙間以平岳及臺澎功加左都督補千總俸滿授浙江舟山游擊時海賊猖獗目無舟師獨貴巡警所至賊膽怯嘗追賊遇風盛潮逆勢不相及乃下巨艦駕快艇急趨之賊爲所俘迄今舟山戰艦其械具利用皆貴之遺也時有商船遇劫其船戶及舵手爲汛弁所獲因獻提鎮貴力言非賊而船多賊具難以抵釋貴乃舉家以保力白其寃然後得免其弭盜安

同安縣志

卷之三十

人物錄 武功

六

民類如此卒於官子大德以侍衛授崇明游擊陞川沙參將

林宗泰貢生從姚啟聖平臺灣有功題補參議道

蔣熺澳頭人康熙間隨大將軍施琅征臺灣以軍功補蘇松中營參將

郭新字日民積善寮東人少有大志究略鈴事戎馬康親王稔其才略委署援剿右營守備旣而實授守金門克復海壇南日平海湄洲崇武臭塗及金廈等堡所至若有神助不戰而平靖海侯施琅奉命東征新爲前驅與劉國軒等戰於澎湖奮力攻擊三十六嶼一時俱下乘風破浪入鹿耳門鄭氏納款全臺蕩平琅表奏功以新列第三授左都督子孫世襲拜拖喇布勒哈番

林永山積善龍嶼人號桐崖康熙年間出征湖南紅苗議叙功加都司乾隆朝以子應震教諭贈修職郎善吟咏有詩載全閩詩選

許忠在坊田厝人由平臺功歷任同安營游擊子德修孫鍾岳俱歲貢

方劉進同禾里下方鄉人由平臺功加左都督任陝西固原鎮副總兵

方長生縣城北門人康熙六十年平臺功歷任都司

劉執忠弱冠從戎具有勇略康熙十九年大將軍擢爲游擊隨征臺灣忠選練熟水

性官兵三十二名率先用命二十一年總督姚啟聖委赴淡水招撫事平議叙授海澄營軍民悅服

吳陞字源澤爲總旗禦賊於果塘授千總又從征金門廈門澎湖臺灣以功陞陝西游擊擢廣東副將調瓊州自瓊崖歷銅鼓經七州洋四更沙周遭三千里躬自巡視地方寧謐陞定海總兵官設法捕盜奸宄屏跡晉浙江提督改福建陸路雍正三年加太子少保明年卒贈太子太保予祭葬諡恪勤

魏國泰字德良翔風爐前人住劉五店補水師提標把總康熙六十年朱一貴倡亂國泰奉檄征剿多所追殺臺灣平歷陞洞庭副將潔己奉公兵民不擾嗣陞金門鎮總兵官未赴任會貴州苗變檄赴鎮遠協剿時苗勢猖獗夜襲鎮遠國泰計兵丁在外分防城中只有四十人乃預出城伏兵擊之苗望幟卻走鎮遠之人賴以安平苗後赴金門乾隆元年以軍功賜俸在金門五載罷陋規歲不下千金調碭石鎮如之後補廣東右翼鎮未赴任卒子文偉廕生補守備任廣東順德協副將陳倫炯字次安都統昂長子爲諸生博通羣書尤留心外國夷情土俗及洋面針更海道著海國聞見錄行於世召充宿衛長身玉立鬚眉整然嘗扈從問及外夷情

同安縣志

卷之三十一

人物錄 武功

七

形對答瞭瞭悉與圖籍脗合辛丑朱一貴倡亂奏曰烏合耳會須刻日平也爲祥陳所以易平狀及平賜賚有差授臺灣南路參將嚴紀律撫瘡痍恩威並用民番以安晉安平副將憫辛丑死事者建五忠祠祀許雲以下五人旋總鎮臺灣益勵己率屬時有總鎮清廉補破靴之謠歷調高雷廉蘇松狼山諸鎮皆有聲而在蘇松則爲崇明人廓清數十年匿糧積弊尤卓卓可紀乾隆壬戌提督兩浙軍務五載解組歸卒年六十有四

上舊志

陳芳字名侯副都統昂次子官碭石游擊性嚴毅軀幹魁偉能挽數石弓爲把總時諗鹽捕以私鹽誣人動輒破人產罹刑獄白於當道力除之調吳川游擊有造孩子酒者取胎孩投糟中吸其氣釀爲酒謂可補元氣盃直錢百吳川之孩罹其毒者無慮數十百人事覺吳川令薄罰釋之芳聞奮臂曰此何如事不除其人而絕其害非夫也立揭其事於兩府照探生折解例置極刑父老傳其德弗衰後以病免年四十六卒

陳堯字仲箎芳子以伯倫炯移廕補福建水師守備陞金門游擊尋調臺協中軍俸滿授烽火參將調廣東大鵬營以薦晉香山副將地當廣海門戶西南諸番舶所

集澳門紅夷室家雜處撫綏爲難其外零丁諸洋汪洋無際奸民哨掠聚散靡常莫可蹤跡膺其任者率以罪去堦內彈壓外巡緝夷民均安洋盜相戒不入其境及巨盜曾德度案發沿海文武被議而香山獨晏然堦之力也堦生長將門雙目炯炯善騎射性溫雅所至與諸有司和衷軍民相得歷署左翼碣石總兵官有祖父風年五十三卒於官未竟其用時論惜之

以上海國
見錄序

胡貴字爾慎號潔峯少有智略習韜鈴精騎射留心水務風雲氣候港汊沙綫靡不周知由行伍授水師把總千總擢守備陞南澳游擊玉環參將閩安副將蘇松潮州瓊州總兵提督廣東調浙江一載仍調廣東歷官三十餘年革陋規勤訓練嚴巡哨慎舉劾於救災弭盜尤加意在蘇松督運漕糧十萬石來閩賑災至溫舟遇颶得無恙回崇明其鎮地也狂飈陡發海水驟漲漂沒廬舍人口盈萬亟商崇明令發賑令以未請爲辭貴曰難民死在頃刻寧能俟報有譴吾自當之卽開倉賑濟又慮邑員少勢難周遍令標屬四十餘員協同分賑衆有難色毅然曰若等非以衛民乎倘賑有不周因而致變若等豈能免患請撥帑金十八萬倉穀二十八萬並截漕接賑民賴以安在粵東值逆匪王亮臣等倡亂飛檄邊界預截逃路分

同安縣志

卷之三十一

人物錄 武功

八

遣部將往增城虎門華峰藍汾二山諸要地嚴行搜緝而增城在萬山中尤緊要亟勒兵策馬馳鎮之適制府阿里袞亦至分道進搜一從華峰入一從藍汾入諸逆次第搜獲二百餘名與阿里袞籌善後策事聞加秩由浙調廣東卒於官賜祭葬加贈一級諡勤愨

葉應龍康熙末任同安營守備筋骨如鐵鑄刀棍不能傷以石擊其頭石碎而頭無破損蓋異人也從征朱一貴同前鋒先驅擊賊破其將鄭定瑞蘇天威奪安平鎮副督師藍廷珍薦其才可當大任

福建通志

林君陞字聖躋號敬亭由行伍授偏裨康熙六十年奉調帶兵押餉赴臺灣並查臺地情形爲上官所器擢黃巖鎮游擊雍正四年以保舉授定海總兵至則嚴守禦飭巡邏沿海救寧壬子秋大饑軍民乏食多方設法全活甚衆乾隆二年調鎮汀州越二年調碣石旋調金門復值歲荒籌畫接濟軍民以甦七年以都督同知授廣東提督迎母就養丁內艱服闋暫補臺灣總兵未半載仍授廣東提督繼調福建水師提督復奉調廣東提督凡三至粵兵民稱慶甫半年調江南提督駕馭弁兵威以法撫以恩大江南北晏然寧謐公暇縱觀書史臨池得草書三昧或作大

字高徑丈喜吟咏自成一家言旁及星命學推算入神尤敦倫誼撫姪如子內外親族急難喪葬傾貲助之卒於官年六十八諡溫僖所著有自遣偶草舟師繩墨救荒備覽等書子植以廕生授大理寺丞

高華松翔風劉五店人慷慨仗義明於機略康熙五十八年由千總拔藍翎侍衛歷陞崖州參將整飭營規邊地無虞崖多煙瘴襲人輒病松按氣候爲藥丸散給軍民咸知避忌病者得免乾隆七年陞春江協副將歷署廣東總兵卒於官子德明任廣東順德游擊姪孫膺振任廣東左翼鎮左營游擊

方文柱在坊人貴州撫標左營守備從總督張廣泗征苗有功加陞游擊未任而卒子從仁乾隆十年廕監生

柯連英有智勇康熙間以熟識臺地情形從征臺平任南路千總駐下淡水彈壓溪東旋陞守備分駐鳳彈地當要衝無土堡連英募工種刺竹周圍三匝犬牙相錯五年而吳福生作亂圍攻鳳彈竟不能入民頌其功雍正六年溪東有山名山猪毛其中皆傀儡生番時出焚掠民苦之時連英已獲參軍事請於帥府率師深入搗其巢擒番黨二十人番懼不敢出至今無山猪毛番患臺人感之後陞廣東左

同安縣志

卷之三十

人物錄 武功

九

翼鎮中軍以病告卒於家

吳必達字通卿號碧涯懷遠將軍承熾子也雍正丁未入泮己酉舉人庚戌聯捷武進士殿試三甲分發廣東候補七年補授廣東廣海寨守府十一年補授瓊州協鎮閩府十五年補授廣東寨游府二十三年補授海門營參將還補授香山協鎮府二十四年陞授温州水陸總鎮府二十五年入京陞見賞戴孔雀翎調補廣東左翼總鎮府陞授廣東全省水陸提督軍門調補本省廈門水師提督軍門帶管澎臺水陸官兵三十一年入京陞見隨駕謁泰陵蒙賜太夫人萱壽延祺坊表計居官三十餘年革除陋規整飭營伍所至有廉聲軍民悅服晚歲歸田捐貲購溪船以其息錢充雙溪書院課士膏伙善作詩有雅歌投壺之風著水師要略及碧涯詩集

舊志再參家乘

吳錫琮撰補

葉時茂字允豐號得溪嶺下人住瑤江乾隆癸未會元探花及第由侍衛歷任廣西柳州游擊融懷參將新大副將居官清廉兵民悅服生平好吟咏著有得溪詩集李耀先古寧塔人多膂力乾隆間嘗緝獲黃崎土匪累擢廈門前營守備歷廣東海門參將陽江副將補虎門鎮總兵入覲適御史奏昇平日久營員率愞懦不習武

事侍衛某以健鬪名命角藝獲勝調任雷瓊鎮子思高守備孫成龍把總金門志

蔡攀龍字君寵號躍洲平林人狀貌雄偉聲如洪鐘少貧捕魚爲業負販入市市翁異之妻以女爲製戎裝俾就幕歷拔廈門提標千總分汎玉洲賊來劫社率所部殫諸河鷺江賈舶被掠駕快哨扮商人誘獲之擢守備遷游擊行保甲法禁網椿有碍行舟者齏鹽積弊虧秤嚴檄足之民德焉調澎湖游擊乾隆五十一年林爽文亂作同知楊廷理告警於澎卽日率師渡郡衆心始安遂於郡南二里許濬溝築壘未就而賊擁至攀龍不爲動會楊廷理率義民出城夾擊破之賊復四面縱火攻城攀龍領兵急擊生擒陳元蔡茂等郡賴以守明年隨總兵郝壯猷征南路賊莊大田克復鳳山旋調回守郡鳳山復陷南路賊來攻郡攀龍出紮桶盤棧賊晝攻夜襲忿曰但翦若人府城唾手破乃傾衆圍其寨攀龍橫陣衝殺所當披靡賊衆亦奮勇鏖戰攀龍胸被刃傷血流被地尙能任馳突自卯至酉殲賊數百黎明復戰走之將軍常青拊其背曰虎將也一日賊用鳳山所獲官印請濟師頃刻間羽書三至攀龍結隊行入蘆溝港賊突起圍數重奮力鞭馬躍出得脫旣而南路賊集攻府城其黨莊錫舍密謀歸正攀龍與楊廷理乘勢急擊追奔十餘里

同安縣志

卷之三十

人物錄 武功

十

進克南潭擒僞元帥王坑郎等以歸時總兵柴大紀駐軍諸羅以虛實奇正生剋變幻不測制勝攀龍駐軍郡南以四塞土形扼險攻瑕制勝奏功超拔臺灣北路副將旋偕副將貴林等救諸羅取道鹿仔草師行秋霖中衣裝盡濕鎗礮莫施貴林及諸將弁陣亡獨攀龍與參將孫全謀突圍出初攀龍慮東北路徑仄菁深易埋伏議從笨港折入諸羅衆不聽故敗攀龍還郡與大紀同心固守孤城得全及大將軍福康安嘉勇候海蘭察統師至始解圍已受困六閱月仍帶兵會剿於小半天大里找集埔及南路憑險負固者皆就擒事平擢海壇總兵未行改臺灣鎮總兵陞福建陸路提督賜強都健勇巴圖魯名號及花翎頒賚獨優加參贊大臣圖形紫光閣補狼山總兵召對詢征剿情形旋署江南提督督學劉權之作戰馬行贈之卒年六十一蔭一子官臺灣縣志墓案牘合參

黃有才字公美石潯人逾冠從戎累官至定海鎮總兵歷温州海壇請鎮廣東南澳乾隆間海寇擾詔安諸縣有才剿平之調瓊州擢提督移廣西復調廣東卒官加

左都督賜祭葬諡昭僖

參歸田瑣記

謝恩詔號紫齋乾隆間以征臺灣林爽文功累官龍門協副將嘉慶九年陞蘇松總

兵海賊蔡牽竄入吳淞港降都司入閩調用旋補黃巖游擊護瑞安副將十四年秋在漁山外從擊牽奮勇鏖戰兩晝夜牽赴海死叙功擢安平副將陞黃巖總兵署寧波提督恩詔知書史文移箋牘手自起稿性嚴察所至湔洗積習推賢引能在龍門建義學延師教弁兵子弟及民之無力就傅者人頌其德提督吳必達林君陞作水師要略舟師繩墨恩詔重梓以行海上事取則焉子天驥守備廈門志

孫全謀字元臣龍溪籍志欲海上立功來廈投水師入伍以勞績遷游擊遂家焉乾隆五十一年林爽文亂從福文襄渡海擊賊以三坎店嘉義戰功擢廣東大鵬營參將羅定協副將旋授江南蘇松總兵丁母憂未終喪而浙洋告警起為黃巖總兵在定海臺灣温州玉環潭頭各處累獲盜魁以嘉慶二年授廣東提督轄水陸官兵粵洋浩湧無際外通交州張保仔烏石大東海伯桀黠為變閩帥多褫職全謀悉以計殲之所向成功生擒烏石二烏石三烏石大等四百餘人賊黨落水無算東海伯聞風破膽率眾四千丐命以功授廣東水師提督以患署卒於官年七十有三采編趙在田撰墓志

陳元成董林人由金門鎮標入伍調戍澎湖林爽文作亂游擊蔡攀龍帶兵東剿元

同安縣志

卷之三十

人物錄 武功

十一

成以善燃紅彝礮分領烏鎗隊疊著戰功拔外委臺灣郡城急攀龍固守紮桶盤棧賊必欲得之危迫間用詭計礮殲賊千數記升把總一日羣賊迫奪其礮元成被刃佯倒地俟賊迫負痛躍起碎礮去斃賊無數城內兵出應之賊潰遁將軍常青奏列首功賜白金擢澎湖把總鳳山再陷從攀龍南下連戰皆捷轉援諸羅途間遇伏力戰隨攀龍潰圍而東尋赴圓林中藍搜庄至六卡殿擒林周等再赴湖口山僻搜燬賊寮擒股首董助拔千總賊平歷署廈門提標守備乾隆六十年帶戍臺兵東渡適鹿港匪徒陳周全滋事奉檄堵截事竣管駕師船隨黃巖孫總兵於銅山蠻壳灣擒海盜羅簡等復於橋頭庄奪盜船三補銅山守備署游擊卒子朝宗官千總署安平右營守備牘案

楊華字良淵號鳳山湖下人為廈門前營外委後征林爽文前後八載獲賊最多嘉慶元年陞海壇守備先後擒盜百餘奪船八奉檄護送流球貢船至五虎洋擒盜蔡老等奪回被擄水手逸盜陳阿包招集亡命四出劫掠勢甚張剿之白犬洋擒阿包伏誅補閩安左營都司擒盜陳才復獲盜首許跳補狼山左營游擊累遷京口副將陞蘇松鎮總兵署江南提督乞休歸卒年八十二子武鎮都司署澎湖副

將金門志

李光顯字鑑亭古寧頭人官臺協右營把總以征林爽文有功賞戴花翎海寇竊發身經二十九戰擒七百二十餘益撫降四百餘攻獲盜船四十五艘歷任温州黃巖定海總兵署浙江提督補廣東水師提督卒於任

案牘

陳逢時霞溪人弱冠充伍水師拔提標外委擢把總以林爽文亂隨師東征乾隆五十二年二月會於大湖賊屯衆草尾店官軍力攻之九突其陣洲仔尾鱮魚潭姜市諸役皆奮銳前驅已援諸羅時諸羅圍久逢時至并被圍凡四閱月糧盡軍士飢疲賊數撓我復日與角鬪身經三十五戰嬰城共守大兵入圍解明年正月隨參贊海蘭察攻克牛庄進搗加茂庄生擒賊目葉吉南北路告平

營冊

林六韜廈門港人大軍剿林爽文以押運火藥勞拔中營外委時粵艇方熾每游弋閩浙濱海嘉慶元年七月率兵船隨游擊陳名魁擊之青水洋衝鋒過船斫斃多賊生擒賊首羅阿義等餘匪竄入浙界跡至潭頭洋攻敗之艇賊目吳興信以驍健聞十月猝遇諸獺窟輕脫剽疾幾脫去六韜佔上風縱橫與角逐竟縛以歸并擊夥黨多名明年秋戰於竿塘與水師營千總王得祿張兩翼夾擊大獲拘沈阿

同安縣志

卷之三十一

人物錄 武功

十二

喜等先後擒獲百餘名擢補金門右營把總遷安平千總卒

營冊

黃振玉字金聲英坑人乾隆間歷官揚州參將預保水師副將署海壇鎮總兵有清聲請終養歸殆父母卒復起用不出海壇人爲建祠私祀之

金門志

邱良功字玉韞號琢齋馬巷金門島後浦人幼孤事母至孝母病痢嘗糞長隸金門營爲兵乾隆六十年隨總兵李芳園出洋緝匪在蘇尖洋獲許江等在烏潯洋獲林鳳等又擒張春等併船獲焉芳園深器之補外委是年復在南日洋獲陳合等祥芝洋獲劉嘆等嘉慶元年隨游擊魏成德巡洋迭獲劇盜劉三張訓王時明吳班等次年又獲王忠楊善等五月在祥芝外洋遇盜艇一躍登舟擒匪首莫阿三等六月在深滬廟內獲賊酋陳三貴升把總旋在永寧獲高集等在崇武獺窟洋獲曾春在將軍澳獲艇匪張阿四督撫奏請議叙又迭獲陳六鄭梅梅吳秤黃克正等旋補千總擢守備是時洋盜蔡牽朱潰方橫行海上分擾閩浙粵三洋七年良功在銅山港獲牽匪夥陳貨等升游擊隨浙江提督李長庚在江省扁礁洋獲駱然等十年蔡牽竄擾臺灣復隨李長庚赴臺剿捕並護理臺灣副將統率師船在臺澎各洋偵緝十一年牽以朱潰方擾北路突犯鹿耳門攻臺灣良功乘其不

備以火攻之殲其衆於洲仔尾轉由北汕與長庚夾擊牽船幾獲會潮漲逸去乃率舟師至大鷄籠進剿朱潰沈其艘又滅白衣匪於笨港牽再擾鹿耳門良功衝陣敗之加副將銜逾年追朱潰於滬尾潰東竄入鷄籠洋值潮退堵港口困之南澳總兵王得祿率舟師夾攻擒匪首林紅等潰遁入生番界窮追抵蘇澳毀其巢叙功一等授安平副將擢定海總兵未赴任值長庚殞於陣以海上材可繼長庚者無逾良功乃授浙江提督代統其軍良功隨長庚久痛其功敗垂成以滅牽自任十四年帶領舟師出洋督捕獲牽匪夥王烏等偵知賊中綠頭大船牽坐艇也遇於漁山外洋良功揮令諸將擊散別船自以坐駕專攻之得祿亦率閩師至連夜追過黑水洋良功股被礮傷裹創搥鼓督戰益力颶風驟起浪起伏如山牽船大篷猝掛良功帆上壓船幾覆軍士多落水勢急甚猶指揮奮擊賊船壞牽墜海死其妻及餘黨二百五六十人並殲焉生擒胡有均郭淺等捷聞諭曰良功左骭受傷著加恩晉封男爵仍賞給白玉翎管一個白玉四喜搬指一個金纍絲搬指套一個大小荷包各一對良功愈感恩遇雖極貴不敢稍自逸嘗於田畝洋面瞭見賊船戢帆追之至東機外洋風雨暴至官船賊船皆漂散良功坐船亦折斷大

同安縣志

卷之三十一

人物錄 武功

十三

桅椀舵槓具盡壞亟派兵沿海搜捕獲莊姜等蓋料賊船被漂必登岸修葺也十六年回任復出巡洋獲蔡險郭魁虞煥章徐進才翁阿三葉三豹邱合發癩頭四等次年復獲陳登陳烏青施阿興蔡勝玉王有升駱阿楚孔阿三等良功遇盜不避危險坐船嘗爲賊礮洞穿水暴入兵弁皆失色而良功夷然也十八年又獲陳彩能等十九年復請覲回任迭獲胡時智柴武魁王文星陳祖金等二十年又獲梁成起洪啟大郭乃姐陸瑞倫舒玉燕二十一年又獲何金鳳陳得奇潘永光等二十二年又獲張和尚梁阿川等以是年八月三十日述職出都行次甘泉縣病歿年四十九歲遺疏入賜諡剛勇子聯恩以三等男承襲官總兵自有傳良功性端謹謙以下人嚴以馭將專閫九年以清廉著其官水師也衽席波濤殄劇寇無算卽生擒交地方官訊辦者亦幾及千人賊見良功旂幟無不股栗嘉慶朝以水師名將稱者首數李長庚始扼於總督玉德阿林保所志不得遂泊受知仁廟幾成功矣竟殞於陣則天爲之也良功隨長庚爲偏裨獨見寵任官把總卽邀九重特達之知卒殲巨逆以功名終其遭際有勝於長庚者閩中多將帥材漳泉兩郡五等之茅土備焉聯恩死捻亂尤能以忠孝世其家

邱成勳後浦人良功從子常從良功出洋緝匪嘉慶十四年良功追蔡牽至漁山逾黑水洋舟相比噴筒火箭迸集如雨成勳奮身格鬪中傷落海死事聞照把總例賜卹世襲雲騎尉

許攀桂後浦人安平中營把總嘉慶十一年蔡牽突犯鹿耳門攀桂掉快船力戰中賊礮焚死廕一子外委祀後浦昭忠祠

李合成古寧頭鄉人安平左營外委嘉慶十一年從邱良功擊沈朱瀆黨巨艦後擊朱瀆於滬洋死之賜卹襲祀後浦昭忠祠

王得祿字百適號玉峯先世居江西南城曾祖奇生以千總隨征朱一貴陣歿鳳山賜恩騎尉遂遷諸羅溝尾莊年十五入武庠乾隆間林爽文起事陷諸羅得祿隨大將軍福康安復諸羅從戰有功遂攻大里棧破堅壘爽文竄康安命隸汀州鎮總兵普克保麾下及平以千總實缺用六十年補督標右營陳周全之變隨閩浙總督伍拉納入臺是時閩粵海上多盜蔡牽朱瀆爲之魁劫船越貨商務阻遏閩浙總督檄銅山營參將李長庚平之以得祿從遂家廈門嘉慶五年春長庚爲福建水師提督一意剿盜得祿與邱良功爲之輔率兵艦出洋時有殺獲九年十一

同安縣志

卷之三十一

人物錄 武功

十四

月護澎湖水師副將十年春正月牽入虎井嶼得祿禦之八月署澎湖副將十一月牽入鹿耳門旬結陸盜攻圍府治得祿隨長庚赴剿牽沈舟以阻而自屯岸上得祿知大港可達安平駕小舟入與鎮道會商剿圍策十一年春正月嚴軍行戒諸舟勿燃燈既迫奮擊之牽揚帆循得祿揮舟堵截擲火確火箭以焚舟賊驚惶多墜海死燬舟二十有二獲其三擒股首蔡正等百六十八人斬首八陣鹵器械無算牽以是奪氣然猶據險守得祿以劈山礮十二尊揮衆上岸舉礮擊賊愈窘縱火燬其營牽大敗謀遁港塞不得行初六日風潮驟漲被逸長庚及得祿追之不及詔革頂戴三月將軍賽仲阿仍命剿堵五月牽復泊鹿耳門賽仲阿令得祿率兵船十二小澎船二十出戰與福甯總兵張見陸內外合攻鼓勇進衝其中堅獲船十擊沈十一擒股首林略傅琛及徒二百數十人牽敗去詔加總兵銜十二年春正月會浙江提督李長庚剿牽於粵洋頗斬獲調南澳鎮總兵至銅山聞朱瀆竄鹿港追之七月至鷄籠見瀆舟潛匿港內諜知夜突驟擊之斃賊七百獲船九燬二擊沈三救回商船一瀆敗竄蘇粵謀據地久居復追之見港狹以小舟載火具入伏巨艦於港口縱火焚瀆舟爭出開礮擊之沈舟三獲一器械無算瀆自

是不敢犯臺灣十二月長庚追牽於黑水外洋中礮殞十三年春正月詔任浙江提督總統閩浙兵船爲長庚雪恨六月調福建水師提督十四年八月會浙江提督邱良功剿牽於定海之魚山牽勢蹙得祿恐其復逸麾閩浙各船遏之牽殊死戰篷索相糾賊以綻鈎浙舟矛貫良功之腓浙舟毀綻脫而得祿之船復迫之轉戰良久牽彈盡以番銀爲礮子官軍以大礮轟擊烟霧蔽海得祿傷右額猝倒再足大呼殺賊牽知不能免自沈其舟妻孥皆死捷聞詔封二等子爵賞戴雙眼花翎十六年九月入覲垂詢水師情形溫旨褒嘉歸福建整飭營伍多所更改以廈門爲全閩要口港汊紛岐商旅時虞伺劫奏請動撥房租添造漿哨巡船以利緝捕從之得祿少失恃長嫂許氏育之至是特請追討一品夫人長兄追贈振威將軍蓋異數也道光元年春正月調浙江提督翌年六月以病乞回籍七年八月入覲詔加太子少保銜二十一年英擾廈駐防澎湖十二月薨於防次年七十有二追贈伯爵加太子太師銜諡果毅賜祭葬有子十長朝綱任山東濟南道次朝綸候補員外郎

楊康靈後浦人以行伍起家魁梧奇偉熟於水務積功累官千總署海壇守備從提

同安縣志

卷之三十一

人物錄 武功

十五

督王得祿剿賊黑水洋之戰蔡牽正窘忽一艘飛帆至康靈指揮軍士邀擊之沈其艘賊衆皆覆沒轉舵助王邱二都督迫牽船牽沈死生擒陳盼二十餘賊叙功賞戴花翎超補海壇游擊轉銅山參將陞瑞安副將赴任卒子騰蛟外委千總康靈每接仗登尾樓指揮舵師不避礮石當時與林廷福黃志輝劉高山劉求生皆水師飛將有五虎之名

金門志

劉求生水頭人短少精悍臨陣輒持火器登桅尖擲入賊舟所當糜爛功爲諸將冠

蔡牽嘗啗以萬金不爲動鎮帥知益重之性踈齧不羈以千總終

案牘

林廷福字錫卿號受堂嘉慶初獲海盜拔千總蔡牽攻臺灣大兵東討廷福隸總兵許松年麾下戰擒林望等焚其舟登岸毀賊巢奔回舟夜又隨大軍駕小船縱火焚賊四十餘艘死者千數旋從提督李長庚追擊蔡牽幾獲又會捕朱濟於閩浙粵洋十二年冬從許松年追朱濟於廣東長汕尾連環轟擊之擢守備復於柑桔洋生擒劉貴等叙功一等監造金州戰船補海壇游擊護副將時鳳山滋事臺灣閩粵民不靖盜魁林溜羽翼甚多廷福以計誘厚欸之佯許以官默飛牒總督置諸法遂以卓異遷烽火參將卒子樹梅布政司經歷

參案牘行狀

陳光求字耀臣號蕙圃後浦人乾隆間從戎金鎮先後擒盜甚多拔把總嘉慶元年盜掠石圃米艘追而俘之獲所掠米制府犒袍及鏢劉嘆善鏢鎗爲海上患亦被縛由是賊震其名旋從李長庚追艇賊鏢戰崇武外洋勝之復帥師平蓮河菲山之賊四礮洋之戰發大礮殪持舵者乘勢殺巨魁陳標奪其船遂由千總補守備再從李長庚追蔡牽獲李案等於弔枋洋牽黨竄浯洲港光求率快艇迎擊腹被鎗腸微出遽起束其腸跳過賊船砍斃二賊舉船賊衆盡獲事聞給功加筭先換游擊頂戴補游擊署金門右營游擊奉檄隨福寧鎮項統軍梭巡金廈銅南間堵截張保仔各艇賊弁於鸞壳灣龍虎嶼七星洋懸鐘洋擒各賊目擊碎多船自是粵艇不敢闌入閩界叙功檄署烽火參將仍回廈門游擊任超安平副將蔡牽餘黨仍熾既抵任捕之旋授定海總兵謝病歸道光五年起補蘇松總兵借署京口副將回蘇任復告歸卒年六十七子省三附貢生

臚案

林奎章字達卿張厝保人歲貢曜華子少游臺入邑庠試高等與修邑乘鄭兼才學博稱其公慎嘉慶十年四月蔡牽入鹿耳門郡城戒嚴當道諗其才令嚴守險要賊涎臺灣再從嶼仔尾登岸奎章散家資募鄉壯謂游擊吉林阿曰賊本烏合初

同安縣志

卷之三十

人物錄 武功

十六

到挫其鋒銳則靡矣引所部直搗中堅大敗之賊尋大集復敗之直搗馬房山焚其寨乘勝追剿至五妃廟山再殲之賊竄南路窮追戰於桶棧大獲賊始颺帆去越年五月復入鹿耳門知府高叔祥禮致之奎章會官軍率舟師截北汕生擒賊目置諸法前後水陸十餘戰未嘗償敗將軍賽冲阿檄給六品頂戴回廈卒

臚案

陳登捷福山社人副將萬山弟弟兄並起戎行登捷狀貌魁偉屢著戰功嘉慶十四年任玉環參將漁山之役從攻蔡牽迫賊船拋擲火斗火炮焚賊船牽落海死舉船賊夥二百餘人俱死叙功例陞副將護黃巖總兵卒子尙忠官守備萬山子志

成廣東達濠把總

張中丞
奏稿

李尙華廈門人編伍水提標拔千總嘉慶十年閏六月從總統李長庚攻蔡牽於青龍港十四年五月從提督王得祿攻駱仔盧於白犬洋並著勞績大吏彙敘南北洋剿捕功奏列一等時海上盜魁略盡餘賊吳屬尙肆陸梁十七年五月分舟泊空口灣擒其黨胡瓊獲船二七月戰大麥嶼賊敗竄窮追至東鑊冲山破其艦不數日復搗於烏坵以火攻沈其艦囚王鴿輩四十三賊越月八日擊唐沙五幫匪於壁頭洋再擒之小麥洋獲賊四十六船四砲械火藥無算總督汪志伊加犒贈

焉終金門右營守備

案續

曾允福在坊人移家尾頭社嘉慶五年入水師營爲舵工歷年駕船出洋緝盜多獲拔左營外委十二年二月在廣東泥濘洋與蔡牽船對敵石傷足旋於目門洋獲艇賊八名十一月攻蔡牽於浮鷹洋獲賊船擒三十人陣斬一人股被創明年冬擊獲小人幫賊夥南下隨金門總兵許松年攻斃賊首朱瀆叙功記名十四年春與戰於料羅洋再擊之於小伯嶼獲賊三名遂由金門把總洵擢閩安守備獲賊竿塘猝遭風落水不死授南澳左營游擊屢獲洋盜道光元年署提標後營游擊護閩安副將署提標參將舉軍功卓異調臺灣中軍游擊旋擢艍艍營參將卒於

官

營冊

趙世芳在坊人移家厦城內嘉慶十四年隨提督王得祿擊海賊鳳尾幫於海壇洋又隨追蔡牽浙江黑水洋鏖戰方酣連擲火器燒壞賊船舫樓沈其舟事聞硃筆圈其名擢把總累遷海壇左營守備率師出筆架山洋緝獲劇賊拔出難民之被擄者補福寧左營游擊署烽火門參將以商船被劫降守備捕獲盜首自贖丁艱卒於家

卒於家

營冊

同安縣志

卷之三十一

人物錄

武功

十七

蒲立勳字樹亭厦城內人入伍水師嘉慶十一年從提督許文謨擊蔡牽於臺灣有功拔把總十四年從王得祿追蔡牽於黑水洋得祿被創督戰益急立勳拔佩刀斫舷呼曰今日不用命者死以所乘艨艟撞牽船船破牽自沈立勳受傷墮海得救免事聞硃圈其名補千總歷官金門廣東洵升温州總兵以母老歸養道光十

三年卒

厦門志

李廷鈺字潤堂號鶴樵忠毅公所撫同姓也忠毅子廷駒字誠驥早卒乃以廷鈺承襲封爵服闋欲改就文職格於例不行嘉慶癸酉二十二歲補二等侍衛庚辰奉派隨圍預領侍衛章京前後凡扈蹕出塞者三度居庸者再臨易水者五上早識之於屬車豹尾間矣行走期滿將外補以忤權貴被劾上特宥之再留當差三年道光甲申授江西南昌城守營副將葺垣墻繕礮械守備甚嚴丁亥署九江鎮總兵鎮轄姑山俯瞰大江沿江業漁小艇以千數山寺魏道士與勾結爲奸見客舟遇險陰舉黃旗爲號漁艇蟻集刦搶一空查辦七年不得端緒廷鈺到任不匝月破之置重典戊子癸巳兩權南贛鎮會昌灘河險阻濱河三十里賴劉黃三巨姓恃衆暴橫刦勒贖甚且殺人廷鈺同郡守率兵剿捕獲首犯賴維福維莊兄弟

并餘犯五十餘名起獲礮彈賊私無數燬其巢穴又迭獲會匪安遠公張公簡粵匪朱房長吳老滿朱永興等奸究爲之斂迹升廣東州鎮總兵潮爲粵中奧區民俗強悍盜賊藉爲淵藪廷鈺偵知普寧之首塗洋等鄉最爲稔惡嚴飭捕先後查辦鬪劫案五十餘起獲犯千百六十餘名分別懲究此風乃漸戢焉壬寅命赴江蘇軍營抵杭州調補江南狼山鎮總兵未之任升浙江提督英人方就撫會同巡撫劉韻珂辦理海防事宜廷鈺請將額設戰船改造同安梭船四十隻八槳船八十隻吳淞海口戰船亦減半照改廷議江浙戰船各先改造梭船二隻八槳船八隻其船工責成廷鈺一手經理船成試驗頗不宜於江南於甯波定海等處則稱便焉其時夷氛不靖海盜亦乘機肆擾廷鈺以黃巖洋面多土匪温州洋面多閩盜乍浦洋面多江南闊頭舢板匪船率皆越界搶掠嚴飭水師一體梭緝洋面漸次肅清乃於其間籌擬練兵章程九條造船募水勇章程六條甯郡定海紹興海口籌防章程十條嗣又會擬選練防江防海章程二十四條其前十二條云提標左營兵丁應改爲外海水師鎮海營應改隸提督管轄石浦地方應酌添兵丁並昌石營都司移駐其地乍浦兵數應酌量加增并將該營參將升爲副將海鹽縣

同安縣志

卷之三十一

人物錄 武功

十八

之澈浦地方應添設外海水師海甯州應添設內河水師現擬添設之員弁兵丁應在本省各營裁撥通省陸路兵丁應選擇十分之三專習火器乍浦駐防兵丁應專習陸戰水師應令以巡緝爲操練水師鎮應照例出洋統巡并期會哨提督應每年親往沿海各營校閱兵技其後十二條云巡撫每年應親赴乍浦等處校閱兵技水師額設戰船應俟同安梭船造成試驗後按營分別安設錢塘江內應添設船隻學習水戰水師應召募善於泗水之人教習各兵招寶金鷄兩山及乍浦等原建各炮臺應照舊修復并擇要添築鎮海乍浦之後路均應添築炮臺并将海甯州鳳凰山原建炮臺移置山下海甯海鹽交界之談仙嶺應建築石寨內修炮臺沿海城寨應擇要修復備藏伏兵船分艚抄襲各兵所需賞項應酌裁馬兵亦應節省經費選練鎗炮各兵所需火藥鉛彈應分別添製各處炮臺及戰船內應配炮位應分別添鑄各營遺失器械并飭如數補製應修應達各炮臺及城垣衙署兵房各工應分別動款興辦勸諭捐輸奉旨依議癸卯奉諭江南善後事宜著耆英李廷鈺各就地勢悉心講求妥議章程具奏其江北一帶著會同李湘棻辦理廷鈺卽咨會江省督撫江南提督覆奏請於福山添設水師總兵一員將

福山營官兵抵作一營尙應添設兩營或游擊或都司二員兵丁一千五六百名與狼山崇明互相將角內可攔截江口翼蔽蘇州外可控制吳淞海口方爲久安之策尋復遵旨覆奏酌定善後事宜議請蘇常鎮標各營應與毘連各營互相操巡福山營狼山鎮標左營應專管福狼一帶江面京口左右兩營應分防鵝鼻嘴關山關等處高資營兵應分班操船兼防關山關三江營守備應改爲內河水師長江戰船應先製木筏總督應按年巡閱關山關鵝鼻嘴江防一次鵝鼻嘴關山關外之江心沙洲乃鎮江揚州之門戶江甯省城之內戶均應備兵炮以昭嚴密吳淞口應設防兵吳淞上海及江北各後路亦應備兵炮以資救援上海地方應移駐同知提標右營游擊應升爲參將并加副將銜常熟昭文二縣內向無城守官兵今擬移駐陸路千總并抽添弁兵以資防守操練水師兵丁以備巡防練習泗水兵丁以收實用鎮副將應親身出洋出江考校統巡路汛守兵丁應一體操練以免缺額充數酌裁外海內河水師營馬匹節省經費加給操巡水兵丁口糧鼓鑄炮位補製各營遺失器械修上江海要隘汛房慎選鎮將都守守令調和文武消弭伏莽共二十八條上皆嘉納廷鈺綜覈縝密苦心焦思頗爲朝廷所倚畀

同安縣志

卷之三十

人物錄 武功

十九

而鄰省江防皆命會籌忌者側目是年以巡洋稍緩爲言者所彈奪職歸乃自候賓鄉移居泉郡葺靖海侯廢園居之杜門卻軌惟以筆墨自娛所校訂之漢唐名臣傳陶淵明全集契丹國志考證宋劉文靖公全集簡可編刻印精工藝林稱善本咸豐癸丑粵寇破金陵蔓延閩疆侍郎王慶雲奏請會辦泉屬團練四月漳州會匪黃得美作亂久據廈門巡撫王靖毅公奏起剿賊七月進兵斬僞元帥黃潮梟僞公司黃英暨通賊之武舉黃逢日乘勢進攻所向皆捷賞給二品頂戴督辦同廈軍務十月克廈門磔黃得美於市事聞授福建水師提督次年又赴海澄等處搜捕餘匪獲逆屬黃德人旂首李燕及蘇因蘇景蘇換黃振林闖陳總黃東郭泰等誅之丙辰奉旨著來京另候簡用請假回籍辛酉三月江右髮逆攔入閩省督撫奏辦廈門團練未赴防六月二十七日以病卒於家春秋七十歲廷鈺將家子而恂恂有儒者風善詩文工書畫又善鑑別古法帖真贋所至常與諸名士論文賦詩有小李太尉之目丁酉入覲乞調簡缺上顧謂爾能文必能坐鎮巖疆不許廷鈺退鑄帝許能文私章以志榮寵然繕性忠誠遇事有膽識官江右時永豐監生周貢芳以平糶激變毆官焚署勢洶洶廷鈺馳往勘至則盡撤兵衛開誠曉

諭勒獻首犯反正者悉宥之不旬日反側皆安地方靜謐若無事壬辰大水當事出示招賑饑民麇集多至四十餘萬自沙井抵樂化連棚三十里風雪交加道殣相望有過章江城攫食者糧既不繼而招之使來無辭以謝議發兵拒廷鈺力陳不可銳身往諭令散歸饑民涕泣聽命每棚酌給川資備民船送之凡五日去盡無一人留者其才足應變如此善捕海盜嘗遣營弁汪忠豪招募水勇得閩省漁戶何達等二十三人用爲眼線降巨盜柯濟等五十九名餘匪皆遜又於崇武洋擊僞水師黃馬義落水死先後飭弁拏獲積匪多至二三百人淹斃者無算林俊餘孽陳歲等攻撲泉城廷鈺發勁卒五百人命子逢時星夜馳援城圍立解不以事屬陸營稍分畛域泉人至今德之待民以慈惠爲懷權南贛時贛民以販私鹽被拏者囹圄幾滿廷鈺密啟江督蔣節相謂粵私只礙商私無損官課今槩以法繩之是驅民爲盜也且損商濟民於理無害請仿王文成法凡自梅嶺肩鹽來者悉勿問於是盜案歲減半治軍嚴有恩金厦七營兵餉省放銀鈔各半是時鈔賤貫抵錢六千兵皆缺望廷鈺請就厦門官錢局及關稅項下撥銀四千餘兩勻給兵食仍赴省請領兵以爲便又以鷺島甫經兵燹非表揚忠義無以作士氣割

同安縣志

卷之三十一

人物錄 武功

二十

廉建昭忠祠以祀死事者故兵弁皆樂爲之用云所著七省海疆紀程新編靖海論行軍紀律美蔭堂書畫論跋臨各家帖硯銘皆刊刻行世其秋柯草堂文集承恩堂奏藁自治官書并詩集七種未梓子二十一人

李增皆字益伯號謙堂忠毅公從子也嘉慶三年忠毅討蔡牽爲舟師統帥增皆隨營緝匪戰最力忠毅歿於陣增皆常憤激流涕以滅牽自任邱良功之追牽也增皆率八百人爲前鋒先煨精鐵爲二簽長丈有咫嵌於鷓首至是及之於黑水洋艦相銜風猛浪激簽戳入賊舟不得解兩軍皆拚死狠鬪兵乃短接火箭橫飛忽流礮洞火藥艙兩舟皆焚烟燄蔽天日牽斃於海增皆亦負重創落水後舟撈之起將士得活者僅十九人捷聞賞戴花翎並賞翎管一枝增皆在洋二十餘年大小二百餘戰獲盜匪四十二起沈盜舟二十八獲盜舟三十三手及劇盜五百餘人割首級四十餘顆迫斃於海者萬數嘉慶朝由偏裨洊擢至廣東水陸提督道光朝授南洋總巡大臣賞換雙眼花翎賞玉搬指一未幾卒著有外海水程戰法紀要行世

郭揚聲字騰圃後浦人七歲入塾嘗指揮羣兒戲爲列陣狀以糖餌作軍餉散給必

均師奇之曰此兒將來必以武略顯既長豪放不羈入金門右營編伍旋遷把總道光三年提督許萬齡巡臺檄捕內山賊魁並馬隣山洋盜擒之護理艤舡及滬尾守備張丙等倡亂揚聲於鷄籠張犁裝擒諸逆黨誅之擢安平千總補澎湖守備護理游擊事旋以歷任在洋獲盜功賞戴花翎越級升補游擊駐守鹿港時奸匪搶掠難民赴鹿港號救無虛日乃捐貲賑恤率弁兵會知府彈壓安撫事甫定而颶風爲突設法查恤活二萬餘署澎湖副將移署安平協副將安平緝捕尤繁兵缺口糧乃會商知府以所存部帑生息源源接濟衆益用命并奉揚聲祠位於安平武廟總都劉韻珂器其才越級超擢安平副將亦異數也後以副將入覲順途葬母卒於家年五十有七

墓志

吳建勳字昴齋嘉慶二十三年充金門鎮標右營繚手因戍臺拔外委回遷金門千總廈門守備迭護理前營右營游擊屢獲洋盜擊其船毀其巢題補游擊以功遞升參將署閩安協副將總督鍾音保奏堪勝總兵之任交軍機處記名累署駐海壇金門定海總鎮兵營扮商巡緝湄洲外洋獲盜無算擢廣東水師提督時海氛告警靖逆將軍奕經派守永清門旋以夾板退出繳還炮臺飭赴新任并揀帶水

同安縣志

卷之三十一

人物錄 武功

二十一

勇前往虎門查收各炮臺適張斌師船失事關防炮械被盜搶失建勳卽出洋分弁追至浦北黎獲盜犯吳祖帶等復在洲墩狗頭山及儋洲一帶先後擊沈賊船生擒譚保多名九月盜首梁亞喬吳亞美等帶船十隻率賊夥投誠事平班師而總督祁墳已以廉州辦賊功奏保副將賴恩爵等建勳遂據實互奏報聞建勳論事剛直性清勁不可以私干嘗議豬頭山不可建礮臺宜於江左沙担爲便與墳意見不合恩爵曾囑爲保舉願以萬金爲壽建勳拒之恩爵慙懼遂與墳子相結至是墳參建勳操防不力降副將留粵補用又奏建勳前議豬頭山砲臺及山左沙担俱無庸建設指以爲罪喉建勳所革書記何能韜摹擬建勳手書函稿爲左證建勳疏辨會恩爵接署提督委任屬員煅鍊成獄建勳欲再疏請申理不得達乃誣服遣赴軍臺效力後奉赦回卒於家

誦清堂文集

文成才字子弼千總應彩次子總兵應舉姪嘉慶七年充金門鎮標戰兵屢隨軍巡洋剿盜船於北椗洋擒曾廷等補外委撥赴臺灣換防總兵武隆阿以成才年力壯盛烏鎗熟習遷澎湖把總署本營千總道光元年補福寧千總署烽火門守備題補萬安左營守備護理海壇右營游擊管帶兵船出洋巡緝曾於福清莆田兩

屬屢擒逸匪張丙倡亂總督程祖洛檄成才東渡平之事竣擢安平中營游擊左

任卒

金門志

蔡潤澤號濟菴世居翔風里之浦南鄉昆李兩人潤澤其次也七歲入塾師奇其穎悟口授指畫多所成就既壯身材魁偉適丁嘉慶末造閩洋海氛日熾潤澤慨念時艱輟學奮袂投水軍後營效力歷拔外額駕兵船出洋疊擒斬著名洋匪提升都守歷署本標左右營游擊道光二十二年英法聯軍犯順戰艦薄廈門潤澤守嶼仔尾炮臺發炮拒之事平論功越級升補烽火門參將補署閩安協副將所至除暴安良兵民愛戴咸豐三年小刀會黃德美作亂攻廈門戕官劫庫地方騷然時承平日久餉絀兵疲省垣大吏束手無策潤澤以桑梓誼重與本邑巨紳吳暘谷商籌軍餉並令自練鄉團與官兵協力擊平之是年十月入城權水中軍參將印務縛德美磔於市以儆餘衆脅從者悉開釋予以自新敍功授金門左翼鎮總兵兼署福建水師提督在任三年整軍經武不遺餘力時閩洋千有餘里櫓槍盡掃南北商艘來往安瀾暇時與士紳討論經史如陳南金呂西村等皆一時名宿且與興泉永道鄧商增玉屏紫陽兩書院膏伙以培後進綜計在營四十餘載在

同安縣志

卷之三十

人物錄 武功

二十二

席風濤爲國家盡瘁效力而氣體遂嬰風濕之疾步履多艱因病辭職奉准告歸林下頤養十餘年而卒

陳大琮

西門內人

邑庠生隨其岳父伯爵李忠毅公征剿蔡牽逆匪有功特授寧波

府海防同知疊署寧波嘉興台州等府知府所至有政聲爲督憲阮文達公所賞識著有詩文集子渭揚特授廣東東界鹽大使過班通判旋以平小刀會保陞同知榮試道光丁酉拔貢朝考一等指分四川知縣以辨團練保陞同知

蕭南樞字杓齋後浦人少讀書通大義家貧從軍充鎮標稿識總兵竇振彪延爲記室振彪官廈門提督奏摺書檄多出其手每巡洋必與俱料敵決勝前後獲盜無算道光間補廈門千總時洋匪江扁鵲最悍南樞以計招之扁鵲亦雅聞其名遂由南樞請降全活無數以功授廈門中營守備卒於任年五十二

金門志

許瑞聲副將揚洲之弟道光二十年由金門左營戰兵調補額外以在浮鷹洋擊沈盜船補銅山外委遷把總千總後赴嘉義防堵凱旋總兵連科以剿捕得刀保舉儘先補守備小刀會黃位船逃竄澎湖洋面瑞聲追至西嶼外洋獲劉烏目等多名遷滬尾營水師千總調補澎湖左營千總歷署澎湖安平守備同治元年戴湖

春陷彰化縣攻嘉義甚急瑞聲奉檄帶兵赴嘉義與知縣白鷺洲相度要隘安置
炮位派兵固守旋聞賊首慧虎晟率衆來犯勢張甚卽與副將王國忠出城迎擊
斃賊多名隨機堵剿城賴以全提督吳鴻源委署安平中營游擊賊平敘功以游
擊儘先升用卒於任年僅四十餘歲

金門志

林建猷字孝丕號鴻軒先世由安溪遷居廈門遂家焉建猷生十餘歲英偉不凡膂
力勇敢年十七應童子試游庠自念科舉起家必待寬以歲月遂效班定遠投筆
從戎自奮迅於功名之路乃由水師提標左營額外拔委出力補把總旋陞千總
并授銅山營守備撫馭士卒誠信相孚遂遷左營游擊權督水師中營銅山營各
營參將訓練有方士皆用命事聞特授閩安協副將歷署金門福寧海壇各鎮總
兵補福寧鎮總兵時適粵髮四起閩邊告警建猷足跡所及調度咸宜防堵周密
頗有政聲調署浙江水陸提督咸豐六年拔補福建提督水師提督軍門年五十
有二卒於任誥授振威將軍

乘家

顏青雲字耀登號梯航幼有大志熟於洋務咸同間值國家多故投筆從戎以累次
立功簡放福建廣東漳潮南粵等處地方總兵官歷任福建海壇福寧總兵官粵

同安縣志

卷之三十一

人物錄

武功

二十三

匪救平地方安堵幾三十年循例超拔兩護福建水師提督軍務統轄臺澎水陸
官兵節制各鎮功加一等承平日久坐鎮從容猝於六十七歲失偶時適胡都閩
之姊年四十六矣以處女待字深閨青雲娶之甚韻事也邑諸生多作詩以紀其
事顏潤廷詩云房櫳寂處遇華年忽作鴛鴦不羨仙射雀將軍人亦老白頭共締
晚因緣傅粉施朱學少年同牢合巹更駢肩關雎一曲從今奏無復朝飛雉上絃
葉鐘瑛詩云繫足紅絲締夙緣守貞待字幾多年催妝忽報梅花放却扇詩成欲
雪天笙簫迭和正初冬射雀將軍興倍濃漫道海棠春被壓蘆花掩映雁來紅環
珮鏗然倩婢扶偏饒餘態口施朱雙眉掃罷低聲問好把新郎喚老奴桓桓宿將
擅威名坐擁夫人別有城十盪蛇矛摩壁壘歡騰雪夜告功成

參顏暉東葉
兆年訪稿

吳鴻源字春波石潯人少豪俠不羈事母以孝謹聞咸豐三年四月小刀會匪黃德
美煽亂金廈間迭陷各縣邑亂民從之如歸蜂屯蟻聚不可爬梳鴻源首倡義旗
出資募勇船四隻隨軍征剿馳電發所向克復十月直搗逆巢元兇授首擄匪
以數百計提督施得高奇其才列事以聞拔補千總賞戴藍翎加守備銜旋增募
快艇龍槽五號四出搜捕節節掃蕩擒獲悍賊殆盡先後復城寨數十其解建寧

圍克建陽崇安連城等縣功尤多累叙至花翎都司以游擊儘先升用九年六月進兵東坂自備快船出洋巡緝於雙頭衝東冲北關北菱黃歧館頭灣等處累獲著名洋匪以功授金門右營游擊閩海甫慶安瀾而廣艇勾結粵寇窺伺閩疆大府檄鴻源護閩安副將率舟師禦諸五虎口未幾連檣如林勢逾奔馬甫入口分隊環攻槍聲雷動山嶽搖撼擊碎燒燬十一船牽獲四船無片帆逸出者漂尸蔽江海水盡赤大府上其功以副將儘先補用加撲勇巴圖魯當是時吳家軍已雄視海上矣以餘氛未平駕坐大船巡緝計十一年中獲劇盜至一百五十餘名奉委兼署海壇鎮復因部議補授安平協副將同治改元髮寇圍攻平瑞圖竄閩疆台州處州已爲所據正在窺犯温州以閩北路門戶在溫急調鴻源援浙二年三月據台之寇由閒道入據瑞之西鄉既圍城不克謀渡江走平陽鴻源乃親統二十四船連潮駕赴飛雲江急上駛會民團幾萬人凡三晝夜冒雨力戰大破賊於金果山鳥嶼之間擒斬溺斃無算賊大潰遠竄溫屬爲清八月凱撤回閩後署海壇鎮以總兵簡用而臺灣又告警矣巡撫徐檄令渡臺奏護福建水師提督以行東渡逾月遂解嘉義圍攻克賊庄數十既而南靖圍久餉絀士飢病新募潮勇散

同安縣志

卷之三十一

人物錄 武功

二十四

去因之革職拿問及內渡粵髮竄據漳郡省垣震動遽赴南台辦理團練復馳往各隘口防堵尋復雲霄詔安以有勞開復原官因性伉直爲當道所忌遂引病歸里居四年法夷敗我於馬江退據臺灣之鷄籠勢甚張昔時宿將鉅公咸聚福州謀所以逐夷援臺者競薦鴻源習臺事且未老遂起用時逆夷邏者甚密鴻源子身雜賈豎中冒險入至則臺人駭且喜以爲後路策應事平賞頭品頂戴以原職歸家年七十一卒鴻源熟於南洋海道凡港汊之紛歧島嶼之叢雜風濤沙綫之變幻日星雲氣之占驗口講指畫如數掌紋性習勞每早起簡料糧仗輓舵絞碇諸操作勤苦事樂與士卒共之不少自暇逸居鄉伉爽好義喜排難解紛有時論用兵方略往往與古名將合卒誥授振威將軍子十人長子文良參將五子文輝

浙江司刑部主事

參孫鏘鳥所撰墓志
吳觀濤吳錫琮訪稿

陳世榮號石洲名壽卿俗崇奉之爲壽孫爺後爐人巨目豐頤虎頭燕頤聲宏力大足智多謀少讀書有大志貧不事事年弱冠仍落拓無資嘗曰大丈夫不能立功於世徒埋骨以老非人也遂投水師提標補前營伍以巡洋獲盜積功二十餘年歷任遊擊同治初恪靖候左宗棠奏設船政廠於馬江以沈葆楨爲欽差大臣主

其事調世榮監工凡廠中建設多所贊畫規模宏敞葆楨悅之題奏陞總兵留閩浙世榮竟具狀力辭世榮少時遇異人傳授以跌打接骨整骨手術及方法能使筋斷復續骨斷復接肉失復生手足跌折兩三節撫摩敷服奏效奇偉雖華陀不是過也乞休寓厦輒以此活人人有折骨者求治立愈平復後視未傷時尤健婦女聞名就醫爲處服方並視傷輕重或施紉帶或借竹枝出其手術左之右之呼曰愈病若失手固未嘗近身也歲愈人以千百計英萬太醫過厦時曾見之漢爲西洋醫術所未有恨不得親受其秘名噪甚然活人不受謝贈藥不受酬真奇術亦奇人也卒年六十有一贈武顯將軍

劉興邦字荔山鷄母岫人自少隨提督吳鴻源平匪有功授金門協實授瑞安協升署温州府鎮所至革陋規整行伍多有政聲子國昌邑庠生

吳永宗字榮軒熟於水務精駕駛輪船由船政出身調任金門都司升銅山參將凡召見三次實授福州督水協屆民國無意功名以年老歸

吳榮輝號華軒石潯人四歲喪父嘗擲鵲并捉其雛母教以萬物皆愛惜生命須慈善勿殘忍遂縱鵲及雛佩服母訓年十六以諳水性營航業往來漳泉各內港一

同安縣志

卷之三十一

人物錄 武功

二十五

日遇船澄渡海覆急躍身入水極救七人中一人乃富家子帶厚貲尙在船中箱內連箱代撈起歸還其人謝以五十金強辭弗獲時屆年關輝以財係意外悉分諸不能卒歲者鄉人羣稱爲少年菩薩同治七年鴻源總鎮温州海濱劇盜張鯨等擁盜船十餘艘肆掠駕船往捕接觸劇戰千總吳世忠死之海濱居民震動鴻源專驛促榮輝平賊由磁頭親率四艇飛駕北上遇賊於浙之鼠頭鳳乘風縱擊捕賊船一羣盜繼至榮輝再接再厲槍擊盜魁落水賊船返篷榮輝鼓棹窮追賊船鉅者四艘均就獲餘賊棄舟逃是役也生擒劇賊二十一名牽賊船大小十二艘鴻源聞捷犒勞有加遂詳報閩浙總督以榮輝自備船械資斧滅賊報效調補温標左營把總而當頭山大魚山等處劫賊尙多鴻源命榮輝管駕三號龍船往來巡哨週年間海盜肅清會銅盤山左近貨船遭風覆船夥倖獲不死計十九人避難濱南吧之空壳山因求食爲該處匪誘使行劫被人告發榮輝奉檄搜捕暮夜直擣巢穴全數就擒鞠問哀訴稱各有父母昆季妻子十九人如出一口榮輝本母訓慈善爲宗旨詳問姓名籍貫給配惠安鹽船解歸原籍鎮署聞信以擅開放盜匪切責罷歸會張其綱繼任閱榮輝有異勞大加獎勵仍巡哨東西磯南北

祀等處海宇昇平漁舟麇集衆漁戶稟懇榮輝長駐歲繳官費六千金張其綱大喜以該洋本盜賊出沒非巡哨勤勞安得人民樂利遂保陞儘先都司旋實授光緒十七年復署守備越年三月會哨於温台交界間整衣冠無疾而逝子觀濤邑諸生奉柩歸葬於六甲鴻漸尾梁厝社後前宅東號草尾垂珠

采福州府渭英撰傳

陳邦俊字德輝後爐人事親至孝幼隨叔父錦堂公於黃巖鎮學習水務凡治海礁與風濤沙綫靡不諳曉同治三年粵髮竄閩邦俊投入武安軍隨游擊賴長助剿疊復漳州龍巖嘉應等州郡由左宗棠保舉守備事平回閩歸標十年賴副將委省製造局差遣十一年因甘肅有警隨同賴副將馳往剿賊先後克復肅州新疆等處城池叙功陞參將加副將銜光緒四年請咨回閩歷署海壇游擊銅山參將是年總督楊昌濬復奏補艦艍參將調補福建水師提標中軍參將旋調烽火門營參將時母蘇夫人年逾古稀邦俊孝思彌篤留長兄武功將軍用賓次兄訓導其淵在籍奉侍十二年忽接母耗聞訃悲痛不欲生越夕卒福建提督學政陳學棻以聞於朝旌爲孝子

同安縣志

卷之三十一

人物錄

武功

二十六